

RELACIÓN DE ACORDOS SESIÓN ORDINARIA DO 28 DE MAIO DE 2004

***Declaración institucional**

***Declaración institucional**

***Declaración institucional**

Central-Actas

1.-Aprobación da acta da sesión anterior, nº 6/04, do 30 de abril.

2.-Toma de coñecemento das resolucións ditadas pola Presidencia, da nº 5.500 á nº 7.199 de 2004.

Cooperación e Asistencia a Concellos

3.-Rectificación interna da distribución do financiamento dos investimentos incluídos no Plan provincial de cooperación ás obras e servizos de competencia municipal e da rede viaria local 2004.

4.-Rectificación das medidas e distribución interna do financiamento do Programa operativo local anualidade 2004.

5.-Aprobación do proxecto reformado da obra plurianual “Transvasamento, construción de depósito e distribución de auga en Bañas, Pr. do Concello de Vimianzo”, incluída no Programa operativo local adicional 1/2002 e POL 2003. Código 02.2301.0090.0.

Plans Especiais, Contratación e Equipamento

6.-Proposta de aprobación do Plan adicional ao 2000 de recuperación de arquitectura popular.

7.-Aprobación do proxecto reformado da obra “Pavimentación e afirmado en Cabrui e outros” do Concello de Mesía, incluída no Plan XXI de infraestruturas locais de transporte e de travesías municipais 2003. Código 03.3800.0065.0.

Infraestruturas viarias: vías e obras provinciais

8.-Aprobación técnica dos proxectos incluídos na PRIMEIRA RELACIÓN DA ANUALIDADE 2004 DO PROGRAMA DE ACTUACIÓN NA REDE DE ESTRADAS

PROVINCIAIS PERÍODO 2002-2005 e solicitude á Xunta de Galicia da urxente ocupación dos bens e dereitos afectados pola expropiación a que dea lugar a realización das obras comprendidas na dita relación.

9.-Dar conta da relación de obras que se van incluír no Plan de travesías 2004-2007 2ª e 3ª fase, anualidade 2004.

Persoal e Réxime Interior

10.-Toma de coñecemento e ratificación da resolución da Presidencia núm. 6.862, do 6 de maio de 2004, sobre a designación de D. CELESTINO POZA DOMÍNGUEZ, como representante desta Excma. Deputación nos órganos de goberno da FUNDACIÓN EUGENIO GRANELL.

ACTUACIÓN DE CONTROL

MOCIÓN

ROGOS E PREGUNTAS

DECLARACIÓN INSTITUCIONAL SOBRE O GRUPO IZAR

Despois da reconversión naval aplicada na Comarca de Ferrolterra na década dos 80 e parte dos 90 que supuxo a perda de máis de 11.000 empregos directos, novamente no ano 2004 atopámonos ante outra grave situación diante da posible aplicación dunha nova reconversión no Grupo Izar, e máis no concreto en IZAR-Fene e IZAR-Ferrol, pola decisión da Unión Europea e do Goberno do Estado Español, que xenera incertidumes ó respecto da viabilidade futura do Sector Naval Público en Galicia.

Mentras a nivel mundial a demanda medra notablemente dende 1999, acadándose cifras superiores ás de produción, que mesmo chegan a igualar nos últimos cinco anos ás máximas históricas, España viu reducida á metade a súa cuota de participación no mercado das novas construcións mundiais. Se o sector da construción naval ten unha demanda superior á produción, non se pode falar de crise no sector, senón de políticas comerciais e industriais inadecuadas.

Convén salientar que o único sector naval público en Galicia (IZAR-Fene e IZAR-Ferrol) aséntase na Ría de Ferrol; polo tanto, este sector é de tanta importancia que non se pode permitir ningún novo atranco que poña en perigo o sector ou os postos de traballo, tanto directos como indirectos, nesta comarca de Ferrolterra.

Para a recuperación económica e social da comarca de Ferrolterra, e evitar a perda de empregos directos e indirectos, compre dar un tratamento integral á industria pública na Ría de Ferrol (Grupo IZAR), coa posta en marcha das capacidades productivas, tanto na industria principal como na industria auxiliar, que aborden as fórmulas necesarias para competir en actividades como a construción de buques mercantes, buques militares, plataformas petrolíferas, artefactos off-shore, reparacións civís e militares, grandes transformacións, fabricación de bens de equipo, turbinas e aeroxeneradores, e enxeñería e deseño de produtos innovadores do mercado. Asemade, e paralelamente, é imprescindible afortalar, incrementar e acelerar a construción de infraestruturas que estimulen a implantación de novas empresas vencelladas a outros sectores económicos.

Polo exposto anteriormente o Pleno da Deputación demanda:

1º)Que o Goberno do Estado solicite á Comisión Europea unha moratoria para a devolución das axudas polo tempo que se estime necesario para non comprometer a viabilidade de IZAR.

2º) Que se redacte un Plano industrial negociado con todos os axentes sociais e, de acordo coas Comunidades Autónomas concernidas, que inclúa medidas de carácter empresarial que resolvan o problema da competitividade dos asteleiros e que teña como obxectivos:

- Manter todos os centros de IZAR.
- Consolidar e, se é posible, tratar de incrementar a capacidade de produción asignada ó Estado Español, e cifrada en 191.500 TBCs.
- Intensificar a actividade comercial para conseguir contratos que doten ós asteleiros de carga de traballo.
- Permitir que IZAR-Fene constrúa barcos, eliminando as prohibicións actuais.
- Modificar a estrutura organizativa de IZAR de xeito que se conformen complexos integrais de construción naval a escala territorial, nomeadamente entre as dúas factorías da ría de Ferrol.
- Que se fomente por parte do Grupo IZAR unha coordinación estable e permanente coa industria auxiliar do sector.

3º) Que a Xunta de Galicia defenda firmemente o sector naval público galego, asumindo as competencias necesarias para recuperar un dos sectores industriais fundamentais da economía galega.

4º) Que se defenda diante da Unión Europea a extensión das axudas para todo tipo de buques mentras non haxa acordo na OCDE e dure a falta de acordo na Organización Mundial do Comercio (OMC), e negociar a súa aplicación para os asteleiros españois.

5º) Que polo Goberno do Estado e pola Xunta de Galicia se acelere a construción de comunicacións viarias e ferroviarias, así como o proceso de dotación de solo industrial na Comarca de Ferrolterra-Eume-Ortegal; que se fomenten e apoien as iniciativas de diversificación industrial; e que se potencien as relacionadas coa posta en valor do patrimonio histórico-artístico e natural.

DECLARACIÓN INSTITUCIONAL **DECLARACIÓN DE BARCELONA**

Celebrouse en Barcelona o IV Foro de Autoridades Locais para a Inclusión Social, froito dun proceso que nace no contexto do primeiro Foro Social Mundial de Porto Alegre en 2001, a partir da vontade de manter pontes entre as autoridades locais e os movementos sociais, na procura dun mundo máis xusto, solidario e democrático. Nesta procura, as autoridades locais, a partir do traballo en redes, nas súas diversas expresións territoriais e temática, alcanzaron un espazo político e asumiron un papel para o fomento de políticas públicas para a inclusión social.

Recoñecemos que son moitas as situacións de exclusión, en particular as de pobreza extrema e fame, e por iso este Foro comprométese a fomentar a solidariedade entre as cidades e as sociedades civís a través da cooperación descentralizada, facendo un chamamento á comunidade internacional para que asuma as súas responsabilidades ante esta realidade.

Este IV Foro de Autoridades locais para a Inclusión Social celebrouse despois da fusión das organizacións municipalistas internacionais (FMCU-IULA) realizada en París os días 2 e 5 de Maio, que deu orixe á nova organización de cidades para converterse nun acto influente na área das relacións internacionais.

Neste contexto, o IV Foro de Autoridades Locais de Porto Alegre, celebrado en Barcelona antes do inicio do Forum Universal das Culturas, centrou os seus traballos en torno ó tema da cultura coma elemento de inclusión social, de democratización, de solidariedade e de cultura da paz.

O período transcorrido desde a realización do III Foro de Autoridades Locais de Porto Alegre confirmou algunhas das peores previsións que nos seus debates e conclusións se formularan. A dinámica da guerra encóntrase lamentábelmente no primeiro plano da actualidade mundial. Neste contexto de guerra, violencia, ocupacións de territorios e de terrorismo internacional, as cidades poden asumir coma obxectivo, un papel importante coma mediadoras de conflitos e coma transmisoras dunha cultura de paz. E neste sentido as iniciativas dos poderes locais en cooperación cos movementos sociais deben constituír o contrapunto necesario para reverter a lóxica da confrontación.

Nesta orde de cousas, a cultura debe ser entendida sempe nun sentido amplo, desde a participación cidadá, lonxe de concepcións elitistas ou pechadas, coma elemento

constituente dunha longa mestizaxe creativa resultado da convivencia e do diálogo entre pobos e persoas, coma un elemento central dos dereitos humanos en toda a súa plenitude coma factor de inclusión e xustiza social.

Este Foro de Autoridades locais reconece que a inclusión pasa polo fomento e compromiso coa participación cidadá e a democracia participativa, reconecendo a capacidade que as persoas teñen para incidir na súa realidade social concreta. As cidades non poderán mellorar se a cidadanía non ten mecanismos directos de intervención das decisións que afectan ás súas vidas.

O dereito á comunicación e información preséntase coma unha cuestión central para o desenvolvemento cultural e democrático. Por iso, este Foro comprométese a fomentar espazos e medios de comunicación públicos e privados non comerciais ó servizo dunha información alternativa que deda voz ás cidades e á sociedade civil.

O Foro de Autoridades locais para a inclusión social orienta as súas accións para facer, desde as cidades, que outro mundo sexa posible sobre bases de xustiza e equidade social. Coherente coa súa vocación, xa expresada no primeiro Foro de Autoridades Locais, de que as cidades teñan voz propia e participen nos organismos internacionais. O IV Foro de Autoridades Locais para a Inclusión Social promoverá a Axenda 21 da Cultura coma compromiso e programa das cidades para o desenvolvemento cultural da Humanidade. A Axenda 21 da Cultura será presentada ó Foro Urbano Mundial das Nacións Unidas, que se celebrará en Barcelona, no vindeiro mes de setembro, coa vontade de que sexa adoptada coma documento de referencia e de traballo no plano mundial.

Chegamos ó acordo de crear unha Comisión sobre Inclusión Social e Democracia Participativa, que se artellará coa nova organización de “Cidades e Gobernos Locais Unidos”.

Os Gobernos Locais que así o decidan, mediante acordo formal, poderán adherirse a este Rede, asumindo os compromisos políticos emanados das resolucións e declaracións das diferentes edicións do Foro de Autoridades Locais. Nesta Declaración, na que participaron máis de 300 cidades procedentes de 44 países, acordamos establecer un proceso de formalización da Rede de Autoridades locais para la Inclusión Social, dando cabida ás diferentes redes, foros e expresións dos entes locais e da sociedade civil, que terá a súa concreción no vindeiro Foro de Autoridades locais de Porto Alegre en 2005.

DECLARACIÓN INSTITUCIONAL DE APOIO Á EMPRESA UROVESA

O Ministerio de Defensa convocou un concurso para a contratación durante os próximos cinco anos dunha cantidade importante de vehículos, con autobastidor de carácter todoterreo e cunha capacidade de carga útil de 1.000 kg e oito soldados. As tres empresas que se presentaron nun principio foron Urovesa de Santiago de Compostela; Santana Motor de Linares e a británica Land Rover, que se retirou do concurso.

Urovesa presentouse co seu vehículo especial VAM TL, no que a empresa fixo un investimento importante en I+D para o seu desenvolvemento específico. A mediados do mes de marzo do presente ano a Junta de Andalucía afirmou públicamente o seu convencimiento de que o vehículo Aníbal da firma Santana, radicada en Linares (Jaén), ía gañar este concurso para a elección do vehículo todo terreo oficial do Exército. A declaración foi realizada o día 10 de marzo polo conselleiro de Emprego e Desenvolvemento Tecnolóxico, José Antonio Viera, cando aínda non remataran as probas oficiais dos vehículos, e o Ministerio de Defensa non se pronunciara en torno ós resultados das mesmas nin a esta convocatoria.

Urovesa debido á presión política e mediática a favor de Santana Motor- un feito inusual nun concurso público- viuse forzada a intervir publicamente para pedir prudencia ao goberno andaluz e para que agardase ao dictame da comisión técnica de Defensa que debía analizar pormenorizadamente todos os datos resultantes de tres meses de profundas probas. Estes exercicios comezaron o 15 de decembro de 2003 e consistiron nunhas durísimas comprobacións para verificar as prestacións dos coches nas situacións máis diversas nas que o vehículo de Urovesa, fabricado en Compostela, superou moi sobradamente tódalas probas e fixo notar as súas mellores prestacións e ventaxas técnicas ó contar cunha tecnoloxía máis avanzada ca do seu rival.

A concurso para a dotación destas unidades para o exército é de vital importancia para o futuro de Urovesa. A empresa galega é pioneira no desenvolvemento e investigación aplicada aos vehículos especiais de alta mobilidade que emprega directamente a 150 persoas, 80 delas na súa factoría do Tambre, e xera un emprego inducido de 400 traballadores. De gañar o concurso o emprego total xerado por Urovesa sería de 1.130 persoas, 250 en Santiago. Estas cifras refírense só ás necesidades de persoal derivadas de gañar este concurso. O feito de que o exército do Estado español homologue este vehículo consolidaría a situación de Urovesa no mercado internacional ao tempo que se lle abrirían novas oportunidades de negocio. Ante estas circunstancias,

A Deputación de A Coruña está segura de que o concurso para a contratación dos novos vehículos do exército resolverao o Ministerio de Defensa ponderando adecuadamente os elementos que deben decidir o concurso garantindo rigurosamente a legalidade do proceso.

Por outra parte, ante as perspectivas de ampliación e crecemento que este Concurso aportaría á empresa UROVESA e, en consecuencia ao desenvolvemento industrial e laboral na área de Santiago, a Deputación de A Coruña manifesta o seu total apoio a esta empresa, en todas as actuacións precisas para facilita-la súa expansión dentro da área de competencia desta Institución.

Por todo elo, a Deputación de A Coruña manifesta e reitera o seu interés por manter e potenciar o dinamismo que esta empresa ven demostrando tanto no concepto de I+D+I dos seus produtos, como na súa presenza nos mercados español e internacional, así como recabar o apoio da Xunta de Galicia para esta Declaración Institucional.

1.-APROBACIÓN DA ACTA DA SESIÓN ANTERIOR, Nº 6/04, DO 30 DE ABRIL.

Apróbase a acta da sesión anterior, nº 6/04, do 30 de abril.

2.-TOMA DE COÑECEMENTO DAS RESOLUCIÓNS DITADAS POLA PRESIDENCIA, DA N° 5.500 Á N° 7.199 DE 2004.

A Corporación toma coñecemento das resolucións ditadas pola Presidencia, da n° 5.500 á n° 7.199, de 2004.

3.-RECTIFICACIÓN INTERNA DA DISTRIBUCIÓN DO FINANCIAMENTO DOS INVESTIMENTOS INCLUÍDOS NO PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL E DA REDE VIARIA LOCAL 2004.

Visto o escrito recibido do Ministerio de Administracións Públicas por medio do cal se presta conformidade con observacións ao Plan provincial de cooperación ás obras e servizos de competencia municipal e da rede viaria local 2004, e ao seu Plan complementario, que foi aprobado por acordo plenario desta Deputación do 27 de febreiro de 2004, no marco do establecido no Real decreto 835/2003 do 27 de xuño e Orde ministerial do 23 de xaneiro de 2004.

Analizadas as observacións que se conteñen no citado escrito relativas a 8 actuacións de compras de bens que se deben financiar sen achega estatal, así como a observación relativa á obra nº 372 do Concello de Vilasantar que non é subvencionábel por razón do seu obxecto.

Estudadas as posibilidades de realizar axustes internos da distribución do financiamento das obras incluídas no POS 2004 de forma que sen variar a relación de actuacións incluídas nin as cifras globais de financiamento entre as distintas administracións cofinanciadoras, se modifique internamente a distribución do seu financiamento entre as distintas administracións cofinanciadoras.

1º Rectificar internamente a distribución do financiamento das 8 actuacións nº: 182, 184, 205, 244, 245, 246, 298 e 305 que non son propiamente obras senón que se trata de compra de bens, así como a obra nº 372 do concello de Vilasantar, eliminando a achega estatal e incrementando na mesma medida a achega provincial, mantendo invariábeis as correspondentes achegas municipais e o presuposto total delas.

Reciprocamente, realizar a operación inversa na obra nº 227 do Concello de Oleiros denominada “Escola infantil SUP-1R” de forma que se incremente a achega estatal e se diminúa na mesma medida a achega provincial, mantendo invariábel a achega municipal e o presuposto total da obra.

Todo isto na forma en que a continuación se indica:

APROBADO PLENO 27-2-2004.

{ * ACTUACIÓNS ÁS QUE LLE HABERÁ QUE ELIMINAR A ACHEGA ESTATAL
{
{ • SUBMINISTRACIÓNS

CONC.	CÓDIGO	Tipo de obra	DENOMINACIÓN	MAP	DEP. F.P.	DEP. PREST.	CONC	TOTAL
-------	--------	--------------	--------------	-----	-----------	-------------	------	-------

MESIA	04.2100.0182.0	599	ADQ.TRACTOR -ROZADOIRA	16.023,42	47.867,46	40.514,12	5.495,00	109.900,00
MIÑO	04.2100.0184.0	51021	ACC.VIV.PROTEXIDAS-BRA	11.459,04	25.741,82	21.787,39	19.606,00	78.594,25
MUROS	04.2100.0205.0	00599	MAQUINARIA BRIGADA OBRAS	5.872,62	17.204,56	14.561,61	2.639,81	40.278,60
ORTIGUEIRA	04.2100.0244.0	51538	SUBMINISTRACIÓN REGUL.TRÁFICO	4.392,25	13.121,18	11.105,51	1.506,26	30.125,20
	04.2100.0245.0	00599	SUMINISTRACIÓN MOBILIARIO URBANO	9.217,51	27.535,87	23.305,84	3.161,01	63.220,23
	04.2100.0246.0	00599	SUBMINISTRACIÓN CAMIÓN BASCULANTE	4.381,38	13.088,68	11.078,01	1.502,54	30.050,61
ROIS	04.2100.0298.0	00599	SUBMINISTRACIÓN DE MARQUESIÑAS	4.558,59	13.490,02	11.417,70	1.799,75	31.266,06
SAN SADURNIÑO	04.2100.0305.0	00599	CAMIÓN RECOLECTOR-COMPACTADOR	17.699,25	52.873,73	44.751,32	6.069,70	121.394,00
TOTAL	8			73.604,06	210.923,32	178.521,50	41.780,07	504.828,95

● OBRA DE VILASANTAR

VILASANTAR	04.2100.0372.0	599	PECHE DE PARCELA DE RU E O-	5.911,68	17.660,23	14.947,29	2.027,33	40.546,53
------------	----------------	-----	-----------------------------	----------	-----------	-----------	----------	-----------

● TOTAL SUBMINISTRACIONES + OBRA 372 DE VILASANTAR

79.515,74	228.583,55	193.468,79	43.807,4	545.375,48
-----------	------------	------------	----------	------------

* ACTUACIONES QUE LLES HABERÁ QUE INCREMENTAR A ACHEGA ESTATAL

OLEIROS	04.2100.227.0	42529	ESCOLA INFANTIL SUP-IR	42.767,51	190.671,95	161.381,13	460.529,54	855.350,13
---------	---------------	-------	------------------------	-----------	------------	------------	------------	------------

MODIFICACIÓN PLENO MAIO 2004

* ACTUACIONES QUE LLES HABERÁ QUE ELIMINAR A ACHEGA ESTATAL

● SUBMINISTRACIONES

CONCE.	CÓDIGO	Tipo de obra	DENOMINACIÓN	MAP	DEP. F.P.	DEP. PREST.	CONC.	TOTAL
MESÍA	04.2100.0182.0	599	ADQ.TRACTOR -ROZADOIRA	0	63.890,88	40.514,12	5.495,00	109.900,00
MIÑO	04.2100.0184.0	51021	ACC.VIV.PROTEXIDAS-BRA	0	37.200,86	21.787,39	19.606,00	78.594,25
MUROS	04.2100.0205.0	00599	MAQUINARIA BRIGADA OBRAS	0	23.077,18	14.561,61	2.639,81	40.278,60
ORTIGUEIRA	04.2100.0244.0	51538	SUBMINISTRACIÓN REGUL.TRÁFICO	0	17.513,43	11.105,51	1.506,26	30.125,20
	04.2100.0245.0	00599	SUBMINISTRACIÓN MOBILIARIO URBANO	0	36.753,38	23.305,84	3.161,01	63.220,23
	04.2100.0246.0	00599	SUBMINISTRACIÓN CAMIÓN BASCULANTE	0	17.470,06	11.078,01	1.502,54	30.050,61
ROIS	04.2100.0298.0	00599	SUBMINISTRACIÓN DE MARQUESIÑAS	0	18.048,61	11.417,70	1.799,75	31.266,06
SAN SADURNIÑO	04.2100.0305.0	00599	CAMIÓN RECOLECTOR-COMPACTADOR	0	70.572,98	44.751,32	6.069,70	121.394,00
TOTAL 8 SUBMINISTRACIONES				0	284.527,38	178.521,50	41.780,07	504.828,95

● OBRA DE VILASANTAR

VILASANTAR	04.2100.0372.0	599	PECHE DE PARCELA DE RU E O.	0	23.571,91	14.947,29	2.027,33	40.546,53
------------	----------------	-----	-----------------------------	---	-----------	-----------	----------	-----------

● TOTAL SUBMINISTRACIONES + OBRA 372 DE VILASANTAR

0	308.099,29	193.468,79	43.807,4	545.375,48
---	------------	------------	----------	------------

* ACTUACIONES QUE LLES HABERÁ QUE INCREMENTAR A ACHEGA ESTATAL

OLEIROS	04.2100.227.0	42529	ESCOLA INFANTIL SUP-IR	122.283,25	111.156,21	161.381,13	460.529,54	855.350,13
---------	---------------	-------	------------------------	------------	------------	------------	------------	------------

- RESUMO MODIFICACIÓN SUBMINISTRACIONES + OBRA 372	-79.515,74	79.515,74	0	0	0
- RESUMO MODIFICACIÓN OBRA 227	79.515,74	-79.515,74	0	0	0
DIFERENZA	0	0	0	0	0

2º Dispor a exposición pública mediante a inserción dun anuncio no BOP para os efectos de que durante o prazo de 10 días poidan presentarse as alegacións ou reclamacións que se consideren oportunas.

3º Remitir o expediente a informe do subdelegado do Goberno en Galicia para os efectos previstos no art. 29.2.) da Lei 6/1997 do 14 de abril de organización e funcionamento da administración xeral do Estado.

4º Remitirle o expediente a informe da Comisión Provincial de Colaboración do Estado coas Corporacións Locais.

5º Remitir o expediente á Xunta de Galicia e á Comisión Galega de Cooperación Local para os efectos da coordinación prevista na Lei de administración local de Galicia.

6º Unha vez transcorrido o indicado prazo de 10 días de exposición pública e remisión a informe, sen que se presentaran reclamacións ou alegacións, se considerarase definitivamente aprobada a modificación do Plan.

4.-RECTIFICACIÓN DAS MEDIDAS E DISTRIBUCIÓN INTERNA DO FINANCIAMENTO DO PROGRAMA OPERATIVO LOCAL ANUALIDADE 2004.

Visto o escrito recibido do Ministerio de Administracións Públicas por medio do cal se presta conformidade á anualidade 2004 do Programa operativo local objetivo 1, 2000-2006, e ao seu Plan complementario, que foi aprobado por Acordo plenario desta Deputación do 27 de febreiro de 2004, no marco do establecido no Real decreto 835/2003 do 27 de xuño e na Orde ministerial do 23 de xaneiro de 2004.

Vista a indicación que contén o citado escrito relativa ao novo criterio adoptado polo Comité de seguimento do POL que acordou que as actuacións se deben propoñer na medida correspondente ao tramo de poboación dos concellos no momento da súa proposta.

Tendo en conta que este novo criterio afecta á obra nº 130 “Saneamento Casal Celas 2-f, saneamento Río Valiñas” do Concello de Culleredo que pasou ao tramo dos concellos con poboación superior a 20.000 habitantes, e que por tanto se debe pasar da medida 5.3 de infraestruturas e equipamentos colectivos en concellos de menos de 20.000 habitantes cuxa taxa de cofinanciamento FEDER é do 70%, á medida 3.3 de saneamento e depuración de augas residuais en concellos de máis de 20.000 habitantes cuxa taxa de cofinanciamento FEDER é do 75%.

1º Rectificar as medidas e a distribución interna do financiamento do Programa operativo local 2004 con motivo do cambio de medida de inclusión da obra nº 130 “Saneamento Casal Celas 2-f, saneamento Río Valiñas” do Concello de Culleredo que se debe pasar da medida 5.3 de infraestruturas e equipamentos colectivos en concellos de menos de 20.000 habitantes cuxa taxa de cofinanciamento FEDER é do 70%, á medida 3.3 de saneamento e depuración de augas residuais en concellos de máis de 20.000 habitantes cuxa taxa de cofinanciamento FEDER é do 75%.

Todo isto na forma en que a continuación se indica:

APROBADO POLO PLENO DO 27 de febreiro de 2004			
Medida 5.3: Infraestrutura e equipamentos colectivos en concellos de menos de 20.000 habitantes			
Denominación		Administración nacional (30%)	
“Saneamento Casal Celas 2-f,	a)	AXE (MAP)	a)
	b)	Administración local	b)
		AXE (MAP)	Administración local

saneamento Río Valiñas”		c)	Concello
	c)	Subtotal	Subtotal
<u>Presuposto</u>			
631.062,71	a)	53.703,44	a) 23.033,79
	b)	388.040,46	b) 134.731,88
			c) 31.553,14
	c)	441.743,9	d) 189.318,81

MODIFICACIÓN POLO PLENO de maio 2004			
Medida 3.3 : Saneamento e depuración de augas residuais en concellos de máis de 20.000 habitantes			
Denominación	Fondos estruturais (75%)		Administración nacional (25%)
“Saneamento Casal Celas 2-f, saneamento Río Valiñas”	a)	AXE (MAP)	a) AXE (MAP)
	b)	Administración local	b) Administración local
			c) Concello
	c)	Subtotal	d) Subtotal
<u>Presuposto</u>			
631.062,71	a)	57.552,92	a) 19.184,31
	b)	415.744,11	b) 107.028,24
			c) 31.553,13
	c)	473.297,03	d) 157.765,68

2º Como consecuencia de dita modificación, o resumo das cifras globais de financiamento da anualidade 2004 do POL, detalladas por axentes financiadores e medidas de actuación é o seguinte:

	Medida 5.3	Medida 3.3	Medida 3.1	TOTAL
ESTADO (MAP + FEDER MAP)	790.259,04	103.645,72	4.804,31	898.709,07
FEDER	3.996.137,06	561.513,72	22.555,91	4.580.206,69
DEPUTACIÓN	1.387.502,42	144.555,42	10.170,4	1.542.228,24
CONCELLO	324.942,03	42.616,57	1.975,3	369.533,9
TOTAL	6.498.840,55	852.331,43	39.505,92	7.390.677,9

3º Dispor a exposición pública mediante a inserción dun anuncio no BOP para os efectos de que durante o prazo de 10 días poidan presentarse as alegacións ou reclamacións que se consideren oportunas.

4º Remitir o expediente a informe do subdelegado do Goberno en Galicia para os efectos dispostos no art. 29.2.) da Lei 6/1997 do 14 de abril de organización e funcionamento da administración xeral do Estado.

5º Remitir o expediente a informe da Comisión Provincial de Colaboración do Estado coas Corporacións Locais.

6º Remitirle o expediente á Xunta de Galicia e á Comisión Galega de Cooperación Local para os efectos da coordinación prevista na Lei de administración local de Galicia.

7º Unha vez transcorrido o indicado prazo de 10 días de exposición pública e remisión a informe, sen que se presentaran reclamacións ou alegacións, considerarase definitivamente aprobada a modificación do plan.

5.-APROBACIÓN DO PROXECTO REFORMADO DA OBRA PLURIANUAL “TRANSVASAMENTO, CONSTRUCCIÓN DE DEPÓSITO E DISTRIBUCIÓN DE AUGA EN BAÍÑAS, PR. DO CONCELLO DE VIMIANZO”, INCLUÍDA NO PROGRAMA OPERATIVO LOCAL ADICIONAL 1/2002 E POL 2003. CÓDIGO 02.2301.0090.0.

Visto o proxecto reformado da obra "Trasvase, construción de depósito distribución de auga en Bañas, pl" do Concello de Vimianzo, incluída con carácter de plurianual no POL adicional 1/2002 e POL anualidade 2003 (código 02.2301.0090.0) que foi presentado polo Servizo Director das obras e que representa un incremento no seu presuposto de contrata.

1º.- Aprobar por un importe total de 825.057,34 € o proxecto reformado da obra "Trasvase, construción de depósito e distribución de auga en Bañas, pl" do Concello de Vimianzo, incluída no POL adicional 1/2002 e POL anualidade 2003 (código 02.2301.0090.0), que foron aprobados polo Pleno da corporación en sesións celebradas o día 27 de setembro de 2002 e 31 de xaneiro de 2003 respectivamente.

2º.- Aprobar, así mesmo, a modificación do financiamento debido ao incremento experimentado no presuposto do proxecto reformado. O incremento finánciao integramente a Deputación. (Código: 03.2300.0090.1)

Con isto os datos de financiamento da obra quedan como segue:

Trasvase, construción de depósito e distribución de auga en Bañas, pl- Concello de Vimianzo					
	<u>Presuposto proxecto inicial, a prezos de contrata</u>			<u>Presuposto reformado a prezos de contrata</u>	<u>Diferenza</u>
	Anualidade 2002 02.2301.0090.0	Anualidade 2003 03.2300.0090.0	TOTAL INICIAL		03.2300.0089.1
Deputación f.p.	69.993,91	75.409,32	145.403,23	281.781,92	136.378,69
Deputación outros	16.773,67	17.660,26	34.433,93	34.433,93	0
MAP	40.811,22	42.949,75	83.760,97	83.760,97	0
FEDER	207.894,63	217.185,89	425.080,52	425.080,52	0
TOTAL	335.473,43	353.205,22	688.678,65	825.057,34	136.378,69

3º.- O incremento de presuposto do proxecto financiarase con cargo ao saldo dispoñíbel na partida 0501/519B/60145 do vixente presuposto provincial.

4º.- Dispor a súa publicación no BOP para os efectos de que durante 10 días se poidan presentar as alegacións que se consideren oportunas.

5º.- Remitirle o expediente a informe do subdelegado do Goberno en Galicia para os efectos establecidos no artº 29.2 da Lei 6/1997 do 14 de abril, de organización e funcionamento da administración xeral do Estado, debéndose entender emitido favorábelmente no prazo de 10 días dende a recepción da súa solicitude.

6º.- Remitir o expediente a informe da Comisión Provincial de Colaboración do Estado coas Corporacións Locais considerándoo emitido favorábelmente unha vez transcorridos 10 días dende a súa recepción.

7º.- Remitirle o expediente á Xunta de Galicia e á Comisión Galega de Cooperación Local para os efectos da coordinación establecida na Lei de administración local de Galicia, debéndose entender emitido informe favorábel no prazo de 10 días dende a recepción da solicitude.

6.-PROPOSTA DE APROBACIÓN DO PLAN ADICIONAL AO 2000 DE RECUPERACIÓN DE ARQUITECTURA POPULAR.

1º- Aprobar o Plan adicional ao 2000 de recuperación da arquitectura popular da provincia da Coruña. A relación de investimentos contidos no plan e o detalle das obras e servizos que se han executar en cada concello, quedan establecidos nos termos incorporados no presente acordo.

As obras incorporadas no plan relaciónanse a continuación:

COD.	CONCELLO	OBRA	PTO	ACH. PROV
				ACH.MNCP
04-4101-0001.0	Arzúa	“Lavadoiro León de Arriba-Oins”	15.577,81	15.577,81
04-4101-0002.0	Arzúa	“Lavadoiro Filgueira-Villantime”	10.366,62	10.366,62
04-4101-0003.0	Arzúa	“Fonte de Pastoriza A Nova”	2.913,00	2.913,00
04-4101-0004.0	Arzúa	“Fonte de Pedrosa-Villantime”	2.641,11	2.641,11
04-4101-0005.0	Arzúa	“Lavadoiro Baiobre-Branzá”	12.592,47	12.592,47
04-4101-0006.0	Arzúa	“Capela da Madalena”	26.248,02	26.248,02
04-4101-0007.0	Arzúa	“Fonte da Carballeira en Viños”	2.406,81	2.406,81
04-4101-0008.0	Arzúa	“Lavadoiro Río Vello”	20.370,56	17.314,42
				3.056,14
04-4101-0009.0	Frades	“Obras e melloras na Igrexa Parroquial de S. Xoán de Vitre”	4.246,75	4.246,75
04-4101-0010.0	Miño	“Cruceiro de Calobre”	4.579,96	4.579,96
04-4101-0011.0	Muxía	“Arranxo Pedra de Abalar”	15.002,60	15.002,60
04-4101-0012.0	Muxía	“Recuperación camiños e cruceiros de distintos lugares”	24.826,79	24.826,79
04-4101-0013.0	Muxía	“ Restauración casa reitoral Santuario da Barca”	28.303,27	28.303,27
04-4101-0014.0	Oza dos Rios	“Recuperación do adro de San Nicolás de Cines”	18.221,28	14.760,62
				3.460,66
04-4101-0015.0	Ponteceso	“Adecuación do adro da Igrexa de Tella”	25.212,04	25.212,04
04-4101-0016.0	Ponteceso	“Recuperación do vello camiño do Fontán Tella	17.012,78	17.012,78
04-4101-0017.0	Ponteceso	“Reforma do porche da Igrexa de Xornes	26.868,87	26.868,87
04-4101-0018.0	Ponteceso	“Recuperación da Capela dos Anxos	26.125,34	26.125,34
04-4101-0019.0	Ponteceso	Traballos de carpintería na Capela da Ourada”	23.964,27	23.964,27
04-4101-0020.0	Santa Comba	“Mellora do contorno do Pazo de Santiso	14.129,20	14.129,20
04-4101-0021.0	Touro	“Rehabilitación do retablo da Igrexa de San Xoán de Fontes Rosas”	6.512,65	6.512,65
		TOTAL...	328.122,20	321.605,40
				6.516,80

A contratación das obras e servizos incorporados na relación, delégase nos concellos respectivos con arreglo aos seguintes criterios:

A.- As obras contrataráanse os respectivos concellos utilizando os Pregos tipo das cláusulas administrativas particulares aprobados expresamente pola deputación. O concello deberá cubrir en cada un dos expedientes o correspondente cadro de características do contrato.

B.- As obras adxudicaránse mediante poxa, ou concurso con procedemento aberto. Poderán adxudicarse mediante procedemento negociado naqueles supostos e cos requisitos establecidos na Lei de contratos das administracións públicas. Excepcionalmente, as obras poderán ser executadas pola propia administración de acordo co establecido nos arts. 153 - 154 da Lei de contratos das administracións públicas.

No caso do concurso, o Prego tipo de cláusulas administrativas particulares de adxudicación de obras contén os criterios xerais para a súa adxudicación, o desenvolvemento e aplicación práctica poderá ser realizado no concello, adxuntándoo ao prego e prestando aprobación e publicación o concello. De non facelo, aplicarase o baremo establecido para as obras da deputación.

C.- A dirección e execución das obras realizaráas o concello correspondente sen prexuízo da posibilidade de que a deputación realice as inspeccións que considere convenientes.

D.- As modificacións dos contratos serán realizadas polo concello con arreglo ao establecido na Lei de contratos das administracións públicas. En todo caso requirirá a redacción dun proxecto reformado que será aprobado polo concello e posteriormente pola deputación.

No caso de modificacións que non varíen o obxecto nin a finalidade do proxecto e non supoñan variación no presuposto, poderán ser aprobados pola Presidencia da deputación. .

E.- Calquera incremento que se derive da modificación do contrato, de liquidacións ou de calquera outro, deberá ser financiado integramente polo concello correspondente.

En todo caso os concellos deberán remitirle á deputación:

a).- Documentación relativa á contratación:

- Documento administrativo no que se formalicen os correspondentes contratos.
- Listaxe de obras cos datos de adxudicación debidamente cubertos no modelo que se utiliza, para idéntico fin, no Plan de obras e servizos.
- Se a adxudicación se realizase mediante o sistema de poxa deberá remitirse a "Acta de apertura de plicas".
- No caso de concurso ademáis da "Acta apertura de plicas", deberá remitirse a xustificación da elección desta forma de adxudicación, así como a aplicación dos criterios establecidos nos pregos.

- No caso de procedemento negociado, deberá remitirse certificación das ofertas presentadas e xustificación da publicidade de licitación, ben mediante a inserción do anuncio na prensa, ben pola solicitude de ofertas dirixidas ás empresas.

b).- Documentación relativa á execución:

- Certificación de obra aprobada polo órgano competente (3 exemplares); no caso de subministracións e servizos acompañarase un exemplar da factura.

- Fotografía do cartel da obra.

-Acta de recepción das obras ou subministracións.

Comunicación de recepción:

Os concellos deberán comunicarlle á deputación cunha antelación de polo menos 20 días naturais, a data e hora na que se formalizará o acto de recepción e entrega para os efectos de asistencia dun técnico da deputación a ela, se así se considerase oportuno

As baixas rexeranse polo criterio de aplicación proporcional.

Resolución de contratos:

Os concellos asumirán as consecuencias derivadas da resolución do contrato na execución das obras, motivado pola acción e omisión a eles imputábel.

2.- Estabelécese o 30 de setembro de 2004 como última data para remitirle á deputación a documentación xustificativa da contratación das obras e servizos incorporados no plan. A documentación xustificativa da execución ou prestación das obras ou servizos deberá remitírselle á deputación con anterioridade ao 30 de xuño de 2005.

3.- Dispoñer a exposición pública do plan mediante a inserción dun anuncio no BOP para efectos de que poidan presentarse alegacións, entendéndose definitivamente aprobada no caso de non presentarse ningunha.

4.- Remitir o expediente a informe da Xunta de Galicia, da Comisión Galega de Cooperación Local, para os efectos establecidos nos artigos 187 e seguintes da Lei 5/97, do 22 de xullo de 1997, de administración local de Galicia.

5.- Facultar ao Presidente para canto proceda en orde á xestión e efectución do presente acordo.

6.- A achega provincial ao presente Plan adicional ao 2000 de recuperación de arquitectura popular, que ascende a 321.605,40 euros será financiada con cargo á partida

0305/469A/762.31 do presuposto da Corporación. A achega municipal ascende a 6.516,80 €e, polo tanto, o total do Plan adicional a 328.122,20 €

7.- Conceder un mes de prazo aos Concellos de Boiro, Cerceda, Coristanco, Padrón, Rois, Santiago e Teo, para formular ou completar a súa solicitude con cargo ao plan.

**7.-APROBACIÓN DO PROXECTO REFORMADO DA OBRA
“PAVIMENTACIÓN E AFIRMADO EN CABRUI E OUTROS” DO CONCELLO
DE MESÍA, INCLUÍDA NO PLAN XXI DE INFRAESTRUTURAS LOCAIS DE
TRANSPORTE E DE TRAVESÍAS MUNICIPAIS 2003. CÓDIGO 03.3800.0065.0.**

Aprobar o proxecto reformado da obra "**Pavimentación e afirmado en Cabrui e outras**" (código 03.3800.0065.0) do **Concello de Mesía**, con contratación correspondente ao concello, que foi incluída no Plan XXI de infraestruturas locais de transporte e de travesías municipais de 2003, aprobado polo Pleno da deputación en sesión celebrada o 25 de abril de 2003, dado que introduce modificacións importantes ao engadir 6 novas pistas que se han realizar na rede viaria municipal de Mesía en substitución de cinco camiños dos previstos no proxecto técnico inicial, pero sen alterar o orzamento total da obra nin o orzamento do plan no seu conxunto

8.-APROBACIÓN TÉCNICA DOS PROXECTOS INCLUIDOS NA PRIMEIRA RELACIÓN DA ANUALIDADE 2004 DO PROGRAMA DE ACTUACIÓN NA REDE DE ESTRADAS PROVINCIAIS PERÍODO 2002-2005 E SOLICITUDE Á XUNTA DE GALICIA DA URXENTE OCUPACIÓN DOS BENS E DEREITOS AFECTADOS POLA EXPROPIACIÓN A QUE DEA LUGAR A REALIZACIÓN DAS OBRAS COMPRENDIDAS NA DITA RELACIÓN.

1.- Aprobar tecnicamente os proxectos da primeira relación da anualidade 2004 do Programa de actuación na rede de estradas provinciais período 2002-2005:

TÍTULO DO PROXECTO	ORZAMENTO DA OBRA	ORZAMENTO PARA COÑECEMENTO DA ADMINISTRACIÓN (PREVISIÓN PARA EXPROPIACIÓNS)
MELLORA DO TRAZADO DA E.P. 2904 DE CORISTANCO A SANTA COMBA, DO PK. 8,825 AO PK. 17,600 (1)	248.931,52	15.944,43
AMPLIACIÓN E MELLORA DO TRAZADO DA E.P. 0810 DE GUILIADE A GUÍSAMO, DO PK. 4,260 AO PK. 4,860	610.662,73	18.550,94
AMPLIACIÓN E MELLORA DO TRAZADO DA E.P. 1703 DO ESPÍRITO SANTO A FRAÍS, DO PK. 1,440 AO PK. 2,440	302.691,79	40.572,77
AMPLIACIÓN E MELLORA DO TRAZADO DA E.P. 8001 DE CRUCES A PENABRANCA, DO PK. 0,000 AO 0,240	89.465,95	86.520,03
ENSANCHE E MODIFICADO DA E.P. 5401 NARÓN AO VAL POLO CASTRO (TRAVESÍA DA XUBIA Á ESTRADA DE VALDOVIÑO) DO PK. 0,000 AO 2,480	641.420,31	281.302,8
AMPLIACIÓN DA PLATAFORMA E MELLORA DO TRAZADO DA E.P. 2404 A LARACHA Á SILVA POR GOLMAR DO PK. 0,000 AO 5,900	676.315,41	83.896,63
TOTAIS	2.569.487,71	526.787,6

2.- Expoñer ao público os proxectos da primeira relación da anualidade 2004 do Programa de actuación na rede de estradas provinciais, período 2002-2005 mediante un anuncio que se publicará no Boletín Oficial da Provincia, nun prazo de 10 días para os efectos de reclamacións, transcorrido este sen que estas se produzan, consideraranse definitivamente aprobados.

3.- Solicitar da Xunta de Galicia a declaración de urxente ocupación, dos bens e dereitos afectados pola expropiación á que dea lugar a relación das obras, de conformidade co artigo 52 da Lei de expropiación forzosa, e Orde do 7 de decembro de 1983 da Consellaría da Presidencia, e con base nos informes que constan no expediente, tendo en conta que existen razóns de urxencia que fan necesaria a execución das citadas obras, tal como a existencia de

curvas perigosas con pequenos radios, con edificacións e vivendas pegadas á estrada que fan necesaria a execución da variante, o estado do firme da estrada, o ancho da calzada de dimensións inferiores ás necesidades dos vehículos, a intensidade media do tráfico, etc., co fin de evitar o altísimo risco de accidentes con perigo para a vida humana.

4.- Expoñer ao público o referido expediente expropiatorio mediante publicación do correspondente anuncio no Boletín Oficial da Provincia nun prazo de quince días para reclamacións, entendéndose definitivamente aprobado se estas non se producen, e logo da existencia previa de crédito axeitado e suficiente para esta finalidade.

9.-DAR CONTA DA RELACIÓN DE OBRAS QUE SE VAN INCLUIR NO PLAN DE TRAVESÍAS 2004-2007 2ª E 3ª FASE, ANUALIDADE 2004.

A Comisión queda informada da relación das obras que se han incluír no Plan de travesías 2004-2007, 2ª e 3ª fase, anualidade 2004, e cuxa relación figura como anexo.

[Relación](#)

PLAN DE TRAVESIAS 2004 2ª e 3ª FASES

Servizo de Vías y Obras

CÓDIGO	NOME	P.K.I.	P.K.F.	LONXITUDE	CONCELLO	INFORME PREVIO	Proxectista	ORZAMENTO LICITACION
C0205	BERTAMIRÁNS Á RAMALLOSA	0	3,13	3,13	AMES	Travesía en Bugalido Ortoño ...(estrada antiga RAMAL 1 dende o p.k. 0,00 ao 1,21 e do 1,64 ao 1,910 e do 2,29 ao 3,13 e RAMAL 2 dende o p.k. 0,00 ao 0,35) Beirarrúas, recollida de pluviais, canalizacións de Telefónica e Fenosa por convenio		670.000,00
C0603	BOIMORTO A ORXAL POLA MOTA	0,3	1,3	1,00	BOIMORTO	Orixe: EP1002 final EP0602 A obra que se ha executar será a de beirarrúas e recollida de pluviais até o campo de fútbol e área deportiva		260.000,00
C0810	GUILIADE A GUÍSAMO	0,97	1,67	0,70	BETANZOS	Tramo da estrada antiga que discorre polo Lugar de Piadela beirarrúas recollida de pluviais e residuais		280.000,00
C0905	BETANZOS AO LÍMITE DA PROVINCIA DE LUGO	6,11	7,56	1,45	PADERNE	Travesía no lugar de Areas (Adragonte) coas necesarias obras de canalización de pluviais, residuais, rede de alumemento, beirarrúas, afirmado de sobreeanchos e renovación da capa de rodadura con metura asfáltica.		314.808,25
C1704	CAMBRE A CARRAL	2,5	3,125	0,63	CAMBRE	Plataforma peonil por unha marxe		50.000,00
C1706	TEMPLE A CAMBRE	2,24	2,65	0,41	CAMBRE	Plataforma peonil por unha marxe.		40.000,00

PLAN DE TRAVESIAS 2004 2ª E 3ª FASES

Servizo de Vías e Obras

CODIGO	NOME	P.K.I.	P.K.F.	LONXITUDE	CONCELLO	INFORME PREVIO	Proxectista	ORZAMENTO LICITACIÓN
C2403	CERCEDA A XESTEDA	2,9	3,52	0,62	CERCEDA	Treito de beirarrúas y pluviais no Calvario		90.000,00
C3002	A MOURA A BENS	0	1,53	1,53	A CORUÑA	Mellora da seguridade vial con execución de beirarrúas, recollida de pluviais e mellora da calzada		540.000,00
C3004	CABANAS A MARTINETE Km 0,86 DA EP0512	0,3	1,4	1,10	A CORUÑA	Mellora da seguridade vial con execución de beirarrúas, recollida de pluviais e mellora da calzada.		340.000,00
C3006	ACCESO Á ZAPATEIRA	2,71	2,83	0,12	CULLEREDO	Mellora da seguridade vial con execución de beirarrúas, recollida de pluviais e mellora da calzada MOI IMPORTANTE. Acceso peonil dende a urbanización Valaire ao casino		24.000,00
C3109	VILABOA A PEIRO POR TARRÍO	0	3,12	3,12	CULLEREDO	Treito do p.k. 0 ao 0,82 Sen beirarrúas , Treito do p.k.2,76 ao 3,12. Sen beirarrúas. Mellora da seguridade vial con execución de beirarrúas, recollida de pluviais e mellora da calzada .		600.000,00
C3302	A ESCRAVITUDE A S.XULIÁN DE LAIÑO	5,3	5,71	0,41	ROIS	Lugar de Antequeira. Treito de beirarrúas recollida de pluviais, residuais, abastecemento e alumeado		205.000,00

PLAN DE TRAVESIAS 2004 2ª e 3ª FASES

Servizo de Vías e Obras

CODIGO	NOME	P.K.I.	P.K.F.	LONXITUDE	CONCELLO	INFORME PREVIO	Proxectista	ORZAMENTO LICITACIÓN
C3802	ORDES A PONTE CARREIRA	17	17,16	0,16	FRADES	Travesía até ao cemiterio. Treito de beirarrúas recollida de pluviais, residuais, abastecemento		120.000,00
C4307	MALPICA A PONTECESO	0,8	5,48	4,68	MALPICA	Travesía en Seaia (p.k. 0,8 ao 1,06) Beo(p.k. 1,95 ao 2,34) e Mens(p.k. 5,24 ao 5,48)		450.000,00
C7202	RIANXO A BURES POR ASADOS	0	0,45	0,45	RIANXO	Beirarrúas pavimentacion e servizos na rúa de Rinlo		206.287,47
C7803	SANTIAGO A FIGUEIRAS	3,52	4	0,48	SANTIAGO	Prolongación de beirarrúas dende Codesedas á igrexa por unha marxe		210.000,00
C7804	VAL DO DUBRA A SANTIAGO	21,2	21,71	0,51	SANTIAGO	Travesía no lugar da Peregrina a pte Romaño con beirarrúas, recollida de pluviais, recollida de residuais, beirarrúas e alumeado		306.000,00

PLAN DE TRAVESIAS 2004 2ª e 3ª FASES

Servizo de Vías e Obras

CODIGO	NOME	P.K.I.	P.K.F.	LONXITUDE	CONCELLO	INFORME PREVIO	Proxectista	ORZAMENTO LICITACIÓN	
C8202	AS GALANAS A CACHEIRAS	1,3	1,86	0,56	TEO	Mellora da seguridade vial con execución de beirarrúas, recollida de pluviais e mellora da calzada no lugar de Solláns		336.000,00	
Lonxitude de actuación		21,06		Km		Orzamento de contrata		5.042.095,72	Euros

10.-TOMA DE COÑECEMENTO E RATIFICACIÓN DA RESOLUCIÓN DA PRESIDENCIA NÚM. 6.862, DO 6 DE MAIO DE 2004, SOBRE A DESIGNACIÓN DE D. CELESTINO POZA DOMÍNGUEZ, COMO REPRESENTANTE DESTA EXCMA. DEPUTACIÓN NOS ÓRGANOS DE GOBERNO DA FUNDACIÓN EUGENIO GRANELL.

Ratificar a resolución núm. 6.862, do 6 de maio de 2004, sobre a designación de D. CELESTINO POZA DOMÍNGUEZ, como representante desta Excma. Deputación nos órganos de goberno da FUNDACIÓN EUGENIO GRANELL.